

[FOTO AMIRUDIN SAHIB/BH]



Profil

Rozainah Mat Yusoff

- **Asal:** Kota Bharu, Kelantan
- **Suami:** Rushdi Hasam Mudi
- **Anak:** 4 orang
- **Pendidikan:** Ijazah Sarjana Muda Kejururawatan dengan Kepujian (Universiti Kebangsaan Malaysia), Ijazah Sarjana Sains, Kejururawatan (Universiti Malaya)
- **Keanggotaan:** Presiden dan Pengasas Persatuan Sukarelawan Jururawat Malaysia, Pegawai Perawatan Negeri St John Ambulans Malaysia Wilayah Persekutuan, Ahli Persatuan Penyakit Berjangkit Malaysia, Ahli Persatuan Penyakit Berjangkit Malaysia
- **Anugerah:** Pingat Jasa Terpuji St John Ambulans Malaysia

Rozainah bersedia mecurahkan bakti kepada masyarakat dengan kepakaran dan pengalamannya dalam bidang kejururawatan.

Rozainah abdi diri bantu masyarakat

→ Pensyarah tubuh persatuan sukarela tingkat imej jururawat

kan sepenuhnya menerusi kerja amal dan kebajikan, lantaran menyedari khidmat jururawat amat diperlukan dan mendapat permintaan tinggi masyarakat.

Justeru, Rozainah menubuhkan Persatuan Sukarelawan Jururawat Malaysia pada Jun lalu bertujuan menaikkan imej jururawat dan mengubah status mereka di mata masyarakat.

Katanya, selama ini ramai yang salah anggap dan memandang rendah kerjaya jururawat sedangkan mereka mempunyai peranan penting menyelamatkan nyawa pesakit.

"Persatuan sukarelawan ini dianggotai sepenuhnya oleh ahli yang pakar dalam bidang itu. Saya pernah jadi sukarelawan selama tujuh tahun di St John Ambulans Malaysia.

"Dengan pengalaman dan kepakaran dalam bidang ini, saya mahu curahkan kepada masyarakat. Saya lihat khidmat dan kepakaran bidang kejururawatan sentiasa diperlukan," katanya kepada BH.

Bagaimanapun, Rozainah ber-

kata, tidak ramai yang bersedia menjadi sukarelawan dalam bidang kejururawatan sekiranya mereka bukan pekerja di hospital atau pusat kesihatan.

Tingkatkan pembabitan

Mungkin juga jika ada yang berminat, tetapi tidak mengetahui saluran tepat bagi menyumbangkan bakat dan kemahiran mereka.

"Jadi penubuhan Pertubuhan Sukarelawan Jururawat Malaysia ini dilihat amat tepat dan kena pada masanya untuk meningkatkan pembabitan jururawat dalam kerja sukarela dan kebajikan," katanya.

Mengimbas pembabitannya dalam bidang sukarelawan, Rozainah berkata, beliau menyertai St John Ambulans Malaysia Wilayah Persekutuan pada 2010, bermula sebagai Pegawai Tulus Wilayah.

Katanya, tanggungjawabnya pada masa itu sebagai tenaga pengajar kepada ahlinya, pelajar sekolah dan orang dewasa yang menyertai pertubuhan itu secara sukarela.

Beliau menggunakan waktu hu-

jung minggu yang sepatutnya dihabiskan bersama keluarga dimanfaatkan sepenuhnya bersama St John Ambulans untuk mengajar ahli kaedah melakukan rawatan asas jika berhadapan dengan kemalangan atau kecemasan.

"Kita patut tahu memberi bantuan kecemasan kepada masyarakat termasuk ketika kemalangan, ahlinya memerlukan kemahiran untuk berbuat demikian.

"Di sinilah peranan kami sebagai jururawat berpengalaman memberi latihan dan tunjuk ajar supaya bantuan awal kecemasan dapat diberikan kepada mangsa untuk merawat kecederaan dan sebagainya," katanya.

Kini, Rozainah dilantik sebagai Pegawai Perawatan Negeri di St John Ambulans Malaysia Wilayah Persekutuan yang bertanggungjawab menggubal dan menetapkan silibus perawatan rumah (home nursing).

Malah, beliau juga bertanggungjawab mengendalikan kursus dan latihan kepada ahli serta pegawai lain, termasuk profesio-

nal seperti jurutera, arkitek dan peguam yang menyertai St John Ambulans secara sukarela.

Dapat sokongan

Jasa dan sumbangan yang dicurahkan Rozainah mendapat pengiktirafan apabila baru-baru ini dianugerahkan dengan Pingat Jasa Terpuji oleh St John Ambulans Malaysia.

Rozainah yang memulakan kerjaya pada 1997 sebagai jururawat pembedahan di Hospital Universiti Sains Malaysia (HUSM), Kubang Kerian, Kelantan berkata, kesibukan tugasnya sebagai pensyarah pada masa sekarang tidak pernah menghalang minatnya untuk berbakti kepada masyarakat.

"Saya mendapat sokongan penuh daripada pihak fakulti dan universiti yang turut memberi galakan dan dorongan untuk terus mencurahkan bakti dan menabur budi kepada masyarakat menerusi kerja sukarela ini.

"Ia penting selain galakan suami dan keluarga yang tidak pernah menghalang saya meneruskan kerja amal ini," katanya.



Oleh Norhafzan Jaafar
hafzan@bh.com.my

► Kuala Lumpur

Pengalaman lebih 20 tahun dalam bidang kejururawatan membuka hati pensyarah Fakulti Perubatan Sains Kejururawatan Universiti Putra Malaysia (UPM), Rozainah Mat Yusoff mengabdikan diri membuat kerja kebajikan untuk masyarakat.

Kepekaran Rozainah dimanfaatkan